

MISSÆ PROPRIÆ

ORDINIS

CC. RR. PAUPERUM MATRIS DEI

SCHOLARUM PIARUM



ROMÆ

APUD CURIAM GENERALITIAM

1932

KALENDARIUM

JANUARIUS

19 In Ecclesiis Ordinis nostri consecratis. Dedicatio propriarum Ecclesiarum. Duplex 1 classis cum Oct. communi.

FEBRUARIUS

6 S. Dorotheæ Virg. et Mart. Duplex.

MARTIUS

20 B. Hippolyti Galantini Conf. Duplex.

MAJUS

10 Ss. Alphii, Philadelphi, et Cyrini, Mm. Duplex.

12 Ss. Pancratii, Nerei, Achillei atque Domitillæ Virg. Mm. Duplex.

31 B. Mariæ Virg. Matris Dei Scholarum Piarum, Duplex 2 classis.

JULIUS

15 B. Pompilli Mariæ Pirrotti, Conf. Duplex.

27 S. Pantaleonis Mart. Duplex majus.

AUGUSTUS

9 Ss. Justi et Pastoris Mm. Duplex.

13 S. Cassiani Episc. et Mart. Duplex.

19 S. Tharsicii Acolythi, Mart. Duplex.

27 Solemnitas S. P. N. Josephi Calasanctii, Conf., Fundatoris Ordinis nostri, Duplex 1 classis cum Octava communi.

SEPTEMBER

12 Solemnitas Ss. Nominis B. M. V. Patronæ princip. Ordinis nostri, Duplex 1 classis cum Octava communi.

OCTOBER

9 B. Joannis Leonardi, Conf. Duplex.

30 S. Gerardi a Porta, Episc. et Conf. Duplex.

NOVEMBER

5 Sacrarum Reliquiarum, quæ in nostris Ecclesiis asservantur. Duplex majus.

27 Patrocinium S. P. N. Josephi Calasanctii, Conf. Duplex majus.

APPROBATIO

Concordat cum Originali approbato.

Romæ 27 Julii 1932.

JOSEPHUS DEL BUONO

a S. Phil. Ner.

Præpositus Generalis

IMPRIMATUR

Mechliniæ, die 6 Septembris 1932

J. JANSEN, VIC. GEN.

MISSÆ PROPRIÆ

ORDINIS SCHOLARUM PIARUM

FESTUM JANUARI

DIE 19 JANUARI
IN ECCLESIIS ORDINIS NOSTRI
CONSECRATIS

DEDICATIO PROPRIARUM ECCLESIARUM

Missa Terribilis, ut in Communi
Dedicationis Ecclesiæ.

FESTA FEBRUARI

DIE 6 FEBRUARI
S. DOROTHEÆ VIRG. ET MART.
Missa Loquébar, de Communi
Virginum I loco cum Orationibus,
ut infra.

Oratio

Omnípotens sempitérne Deus, in
cujus nómine, gloriósa Virgo et
Martyr Doróthea multórum genera
tormentórum superávit : Te suppli-
citer exorámus : ut ejus intervéntu,
cuncta perícula vincámus, ipsámque
in nostris necessitátibus célerem ad-
jutricem sentiámus. Per Dóminum
nostrum.

Et fit Commemoratio S Titi Ep.
et Conf.

Oratio

Deus, qui beátum Titum Confes-
sórem tuum atque Pontíficem
apostólicis virtútibus decorásti : ejus
méritis et intercessióne concéde : ut
juste et pie vivéntes in hoc sæculo,
ad cæléstem pátriam pervenire me-
reámur. Per Dóminum.

In Quadragesima, fit Commemo-
ratio Feriæ.

Secreta

Súscipe, Dómine, múnera quæ in
beátæ Dorótheæ Vírginis et
Mártyris tuæ, solemnitate deféri-
mus : cujus nos confidimus patrocí-
nio liberári. Per Dóminum nostrum
Jesum Christum.

Pro S. Tito

Secreta

Sancti tui, quæsumus, Dómine,
nos ubique lætíficent : ut dum
eórum mérita recólimus, patrocínia
sentiámus. Per Dóminum nostrum
Jesum Christum.

In Quadragesima, fit Commemo-
ratio Feriæ.

Postcommunio

Auxiliéntur nobis, Dómine sumpta
mystéria : et intercedénte beá-
ta Doróthea, Vírgine et Mártyre tua,
sempitérna fácient protectióne gau-
dére. Per Dóminum.

Pro S. Tito

Postcommunio

Præsta, quæsumus, omnípotens
Deus : ut, de percéptis muné-
ribus grátias exhibéntes, interce-
dénste beáto Tito, Confessóre tuo
atque Pontífice, beneficia potióra
sumámus. Per Dóminum nostrum
Jesum Christum.

In Quadragesima, fit Commemo-
ratio Feriæ : et de ea legitur Evan-
gelium in fine, juxta Rubricas.

FESTUM MARTII

DIE 20 MARTII

B. HIPPOLYTI GALANTINII,

CONFESSORIS

Missa Os justi, de Communi Conf. non Pont. I loco, cum Orationibus, ut infra.

Oratio

Deus, qui ad christiánam parvulorum et rúdiú institutió-nem beátum Hippólytum inter sæculi curas singulári caritate deco-rásti : ipsius méritis concéde ; nos ópere implére quæ fide percépimus, et ad promissa fidélibus gáudia per-venire. Per Dóminum.

Et fit Commemoratio Feriæ.

Secreta

Sacra múnera, Dómine, quæ tibi offerimus, eum nobis cónferant fe vórem caritátis, quo beátus Hip-pólytus júgiter in tui famulátum fla-grábat. Per Dóminum.

Et fit Commemoratio Feriæ.

Postcommunio

ivína doctrína institútis, et cæ-lésti mensa satiátis, spíritum nobis, Dómine, tuæ dilectiόνis in-fúnde : quo beátus Hippólytus corde fervébat, et álios verbo et exémplo stúduit inflammáre. Per Dóminum.

Et fit Commemoratio Feriæ : et de ea legitur Evangelium in fine, juxta Rubricas.

FESTA MAJI

DIE 10 MAJI

Ss. ALPHII, PHILADELPHI ET CYRINI, Mm.

Introitus

Multæ tribulatiónes justórum et de his ómnibus liberávit eos Dóminus, allelúja : Dóminus custódit ómnia ossa eórum, unum ex his non conterétur, allelúja,

allelúja. Ps. 33, 1 Benedicam Dómi-num in omni tēpore : semper laus ejus in ore meo. Glória Patri.

Oratio

Deus qui nos concédis sanctórum Mártyrum tuórum Alphii, Phi-ladélphi et Cyríni natalítia cólere : da nobis in ætérna beatitúdine de eórum societáte gaudére. Per Dóminum.

Et fit Commemoratio S. Antonini, Ep. et Conf.

Oratio

ancti Antonini, Dómine, Confes-sóris tui atque Pontificis, mé-ritis adjuvémur : ut sicut te in illo mirábilem prædicámus ; ita in nos misericórdem fuisse gloriémur. (Per Dóminum).

Deinde Commemoratio Ss. Gor-diani et Epimachi Mm.

Oratio

Da quæsumus, omnípotens Deus, ut qui beatórum Mártyrum tuórum Gordiáni, et Epimachi so-lémnia cólimus, eórum apud te in-tercessiόνibus adjuvémur. Per Dóminum.

Léctio libri Sapiéntiæ.

Cap. 10, 17-20

Réddidit Deus justis mercédem labórum suórum, et dedúxit illos in via mirábili : et fuit illis in velaménto diéi et in luce stellárum per noctem. Tránstulit illos per mare rubrum et transvéxit illos per aquam nímiam. Inimicos autem illórum demérsit in mare, et ab altitúdine in-ferórum edúxit illos. Ideo justí tu-lérunt spólia impiórum : et decanta-vérunt, Dómine, nomen sanctum tuum : et victricem manum tuam laudavérunt páriter, Dóminus Deus noster.

Allelúja, allelúja. ✠. Ecce quam bonum et quam jucúndum habitáre fratres in unum. Allelúja. ✠. Hæc

est vera fratérnitas, quæ vicit mundi crimina: Christum secúta est, inclýta tenens regna cæléstia. Allelúja.

✠ Sequéntia sancti Evangélii secúndum Lucam. **Luc. 9, 1-6**

In illo témpore: Convocátis Jesus duódecim Apóstolis, dedit illis virtútem et potestátem super ómnia dæmónia; et ut languóres curárent. Et misit illos prædicáre regnum Dei et sanáre infirmos. Et ait ad illos: Nihil tuléritis in via: neque virgam, neque peram, neque panem, neque pecúniám, neque duas túnicas habéatis: et in quamcúmque domum intravéritis ibi manéte: et inde ne exeátis. Et quicumque non receperint vos, exeúntes de civitáte illa, étiam púlverem pedum vestrórum excútite in testimónium supra illos. Egréssi autem circuibant per castélla evangelizántes et curántes ubique.

Offertorium Ps. 67, 37 Mirábilis Deus in sanctis suis: Deus Israél, ipse dabit virtútem et fortitúdinem plebi suæ: benedíctus Deus, allelúja, allelúja.

Secreta

Múnera tibi, Dómine, nostræ devotiónis offérimus: quæ et pro tuórum tibi grata sint honóre sanctórum; et nobis salutária, te miseránte, reddántur. Per Dóminum.

Pro S. Antonino Secreta

ancti tui, quæsumus, Dómine, nos ubique lætificent: ut dum eórum mérita recólimus, patrocínia sentiámus. (Per Dóminum).

Pro Ss. Mm. Gordiano et Epimacho Secreta

óstias tibi Dómine, beatórum Mártyrum tuórum Gordiáni et Epímachi dicátas méritis, benígnus assúme: et ad perpétuum nobis tríbue proveníre subsidiúm. Per Dóminum.

Communio Joan. 15, 16 Ego elégi

vos de mundo, ut eátis, et fructum afferátis: et fructus vester máneat, allelúja.

Postcommunio

Præsta nobis, quæsumus Dómine, intercedéntibus sanctis Martyribus tuis Alphio, Philadélpho et Cyrino: ut quod ore contíngimus, pura mente capiámus. Per Dóminum.

Pro S. Antonino

Postcommunio

Præsta, quæsumus, omnípotens Deus: ut de percéptis munéribus grátias exhibéntes, intercedénte beáto Antonino, Confessóre tuo atque Pontífice, beneficia potióra sumámus. (Per Dóminum).

Pro Ss. Mm. Gordiano et Epimacho

Postcommunio

Quæsumus, omnípotens Deus: ut qui cæléstia aliménta percépi-mus, intercedéntibus sanctis Martyribus tuis Gordiáno et Epímacho, per hæc contra ómnia advérsa muníamur. Per Dóminum.

DIE 12 MAJI

Ss. PANCRATII, NEREI,
ACHILLEI **ATQUE** DOMITILLÆ
VIRG., MARTYRUM

Missa ut in Missali eadem die, sed in Orationibus, nomen S. Pancratii præponatur nomini aliorum.

DIE 31 MAJI

B. M. V. MATRIS DEI
SCHOLARUM PIARUM

Introitus Ps. 44, 13, 15-16

Vultum tuum deprecabúntur omnes dívites plebis: adducéntur regi virgines post eam: próximæ ejus adducéntur tibi in lætítia et exsultatióne. (T. P. Allelúja, allelúja). **Ps. Ibid.** Eructávit cor meum verbum bonum: dico ego ópera mea regi. ✠. Glória Patri.

Oratio

Deus, qui Genitricem dilécti Fílii tui Matrem nobis donásti : concéde propítius ; ut qui matérno ejus patrocínio tuémur in terris, ipsíus felíci consórtio perfruámur in cælis. Per eúmdem Dóminum nostrum Jesum Christum.

Et fit Commemoratio S. Angelæ.

Oratio

Deus qui novum per beátam Angelam sacrárum vírginum colégium in Ecclésia tua floréscere voluísti : da nobis, ejus intercessióne, angélicis móribus vívere ; ut, terrénis ómnibus abdicátis, gáudiis pérfrui mereámur ætérnis. Per Dóminum.

Et fit Commemoratio sanctæ Petronillæ, Virg., in Missis privatis tantum.

Oratio

Exáudi nos, Deus salutáris noster : ut, sicut de beátæ Petronillæ, Vírginis tuæ, festivitáte gaudémus ; ita piæ devotiónis erudiámur afféctu. Per Dóminum.

Léctio libri Sapiéntiæ

Eccli. 24, 23-31

go quasi vitis fructificávi suavitátem odóris et flores mei fructus honóris et honestátis. Ego mater pulchræ dilectiónis, et timóris, et agnitiónis, et sanctæ spei. In me grátia omnis viæ et veritátis : in me omnis spes vitæ et virtútis. Transíte ad me omnes qui concupíscitis me, et a generatiónibus meis implémini. Spíritus enim meus super mel dulcis, et hæréditas mea super mel et favum. Memória mea in generatiónes sæculórum. Qui edunt me, adhuc esúrient : et qui bibunt me, adhuc sítient. Qui audit me, non confundétur, et qui operántur in me, non peccábunt. Qui elúcidant me, vitam ætérnam habébunt.

Temp. Pasch. Allelúja, allelúja.

Num. 17 Virga Jesse flóruit ; Virgo Deum et hóminem génuít : pacem Deus réddidit ; in se reconcilians ima summis. Allelúja. Luc. 1. Ave, María, grátia plena : Dóminus tecum : benedícta tu in muliéribus. Allelúja.

Extra Tempus Paschale.

Graduale Benedicta et venerábilis es, Virgo María ; quæ sine tactu pudóris, invénta es Mater Salvatóris. ✠. Virgo Dei Génitrix, quem totus non caput orbis, in tua se clausit víscera factus homo. Allelúja, allelúja. ✠. Post partum virgo invioláta permansísti : Dei Génitrix, intercéde pro nobis. Allelúja.

✠ Sequéntia sancti Evangélii secúndum Lucam. Luc. 1, 26-38

In illo témpore : Missus est Angelus Gábriel a Deo in civitátem Galilææ cui nomen Názareth, ad Vírginem desponsátam viro, cui nomen erat Joseph, de domo David, et nomen Vírginis María. Et ingressus Angelus ad eam, dixit : Ave grátia plena : Dóminus tecum : benedícta tu in muliéribus. Quæ cum audisset, turbáta est in sermóne ejus, et cogitábat qualis esset ista salutátio. Et ait Angelus ei : Ne tíneas María, invenísti enim grátiam apud Deum ; ecce concípies in útero et páries filium, et vocábis nomen ejus Jesum. Hic erit magnus, et Fílius Altíssimi vocábitur, et dabit illi Dóminus Deus sedem David patris ejus : et regnabit in domo Jacob in ætérnum, et regni ejus non erit finis. Dixit autem María ad Angelum : Quómodo fiet istud, quóniam virum non cognóscó ? Et respóndens Angelus dixit ei : Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et

ecce Elisabeth cognata tua, et ipsa concepit filium in senectute sua : et hic mensis sextus est illi quae vocatur sterilis : quia non erit impossibile apud Deum omne verbum. Dixit autem Maria : Ecce ancilla Domini fiat mihi secundum verbum tuum.

Credo.

Offertorium **Luc. 1, 28** Ave, Maria, gratia plena : Dominus tecum : benedicta tu in mulieribus : et benedictus fructus ventris tui. (T. P. Alleluja).

Secreta

Tua, Domine, propitiatione, et beatae Mariae semper Virginis intercessionem, ad perpetuam, atque presentem haec oblatio nobis proficiat prosperitatem et pacem. Per Dominum.

Pro S. Angela

Secreta

Hostia, Domine, quam tibi, beatae Angelae memoriam recolentes, offerimus, et nostrae pravitate veniam impleret, et gratiae tuae nobis dona conciliet. (Per Dominum nostrum).

Pro S. Petronilla

Secreta

Accpta tibi sit, Domine, sacratae plebis oblatio pro tuorum honore Sanctorum : quorum se meritis de tribulatione percepisse cognoscit auxilium. Per Dominum.

Præfatio de B. M. V. Et te in Festivitate.

Communio Beata viscera Mariae Virginis quae portaverunt aeterni Patris Filium. (T. P. Alleluja).

Postcommunio

Sumptis, Domine, salutis nostrae subsidiis : da, quaesumus beatae Mariae semper Virginis patrocinii nos ubique protegi ; in cuius veneratione haec tuae obtulimus majestati. Per Dominum.

Pro S. Angela

Postcommunio

Qaestesti alimonia refecti, supplices te Domine, deprecamur : ut beatae Angelae precibus et exemplo, ab omni labe mundati, et corpore tibi placeamus et mente. (Per Dominum).

Pro S. Petronilla

Postcommunio

Satiasti, Domine, familiam tuam muneribus sacris : ejus, quaesumus, semper interventione nos refove, cujus sollemnia celebramus. Per Dominum nostrum Jesum Christum.

FESTA JULII

DIE 15 JULII

B. POMPILII MARIÆ

PIRROTTI, CONF. ORDINIS NOSTRI

Missa Justus ut palma, de Comuni Conf. non Pont. 2 loco, cum Orationibus, ut infra.

Oratio

Domine Jesu Christe, vere humilitatis exemplar, qui beatum Pompilium Mariam imitorem tui in erudienda juventute ac pauperibus evangelizandis gloriosum effecisti : presta quaesumus : ut ejus vestigia sectantes, praemia consequamur aeterna. Qui vivis et regnas.

Et fit Commemoratio S. Henrici.

Oratio

Deus, qui hodierna die beatum Henricum, Confessorem tuum, e terreni culmine imperii ad regnum aeternum transtulisti : te supplices exoramus ; ut, sicut illum, gratiae tuae ubertate praeventum, illecebras saeculi superare fecisti, ita nos facias, ejus imitatione mundi hujus blandimenta vitare, et ad te puris mentibus pervenire. Per Dominum nostrum.

Secreta

Respice quæsumus, Dómine, nostram propítius servitútem : ut méritis et intercessióne Beáti Pompílii Mariæ hac hóstia salutári júgiter tibi número et fide pópulus augeátur. Per Dóminum.

Pro S. Henrico

Secreta

Laudis tibi, Dómine, hóstias immolámus in tuórum commemoratióne Sanctórum : quibus nos et præsentibus éxui malis confidimus, et futúris. Per Dóminum.

Postcommunio

Guis, Dómine Jesu Christe, pasti delíciis, quæsumus ; ut intercedente Beáto Pompílio María, te solum præceptórem sapiéntiam præstantem párvulis sequámur, et simus in te unum, qui cum Patre et Spíritu Sancto vivis et regnas Deus per ómnia sæcula sæculórum.

Pro S. Henrico

Postcommunio

Refécti cibo potúque cælesti, Deus noster, te súpplices exorámus : ut in cujus hæc commemoratióne percépimus, ejus muniámur et précibus. Per Dóminum nostrum.

DIE 27 JULII

S. PANTALEONIS MART.

TITUL. ECCLES. MATRIC.

ORDINIS NOSTRI.

Missa Lætábitur de Comuni unius Mart. 4 loco, cum Orationibus ut infra.

Oratio

Deus, qui beátum Pantaleónem Mártirem tuum vária torménta superáre fecísti, et pro persecutóribus exoráre : concéde propítius ; ut qui ejus implorámus auxiliúm, misericórdiæ tuæsentiámus efféctum. Per Dóminum.

Secreta

Accépta sit in conspéctu tuo, Dómine, nostra devótio : et ejus nobis fiat supplicatióne salutáris, pro cujus sollemnitáte defértur. Per Dóminum.

Postcommunio

Refécti participatióne múnere sacri, quæsumus, Dómine Deus noster : ut cujus exséquimur cultum, intercedente beáto Pantaleóne Mártire tuo, sentiámus efféctum. Per Dóminum.

FESTA AUGUSTI

DIE 9 AUGUSTI

Ss. JUSTI ET PASTORIS MM.

Introitus Eccl. 44, 15 et 14

Sapiéntiam sanctórum narrent pópuli, et laudes eórum nuntiet Ecclésia : nómina autem eórum vivent in sæculum sæculi. Ps. 32, 1 Exsultáte, justi, in Dómino : rectos decet collaudátio. ✠. Glória Patri.

Oratio

Deus, lacténtium fides, spes infántium, cáritas puerórum, qui per innocentum tuórum Justi et Pastóris laudem cunctos próvocas ad salutem : infúnde in nobis, quæsumus, puritátem lacténtis infántiæ : ut dum sensu justitiæ párvulis adæquámur, in illa remuneratióne fidélium cum Sanctis páriter gloriémur. Per Dóminum.

Et fit Com. S Joannis Mariæ Vianney, Conf.

Oratio

Omnípotens et miséricors Deus, qui sanctum Joánnem Mariám pastoráli stúdio et jugi oratiónis ac pæniténtiæ ardóre mirábilem effecísti : da, quæsumus ; ut, ejus exémplo et intercessióne, ánimas fratrum lucrári Christo, et cum eis ætérnam

glóriam cónsequi valeámus. (Per eúmdem Dóminum nostrum).

Deinde Commemoratio Vigilæ S. Laurentii.

Oratio

Adesto, Dómine, supplicatióibus nostris : et intercessióne beáti Lauréntii Mártyris tui, cujus prævenimus festivitatem, perpétuam nobis misericórdiam benignus impénde. (Per Dóminum).

Pro Commemoratione S. Romani, Martyris

Oratio

Eræsta, quæsumus omnipotens Deus, ut, intercedente beáto Románo Mártyre tuo, et a cunctis adversitatibus liberémur in corpore, et a pravis cogitatióibus mundémur in mente. Per Dóminum nostrum.

Léctio libri Sapiéntiæ.

Cap. 5, 16-20

Justi autem in perpétuum vivent, et apud Dóminum est merces eórum, et cogitatio illórum apud Altíssimum. Ideo accipient regnum decóris, et diadéma specièi de manu Dómini : quóniam dextera sua teget eos, et bráchio sancto suo deféndet illos. Accipiet armatúram zelus illíus, et armábit creatúram ad ultiónem inimicórum. Induet pro thoráce justítiam, et accipiet pro gálea iudícium certum. Sumet scutum inexpugnábile, æquitatem.

Graduale Ps. 123, 7-8 Anima nostra, sicut passer, erépta est de láqueo venántium. ☩. Láqueus contritus est, et nos liberáti sumus : adiutorium nostrum in nómine Dómini, qui fecit cælum et terram.

Allelúja, allelúja. ☩. Ps. 67, 4 Justi epuléntur, et exsúltent in conspéctu Dei : et delecténtur in lætítia. Allelúja.

✠ **Sequéntia sancti Evangélii secundum Matthæum.**

Matth. 11, 24-30

In illo tēpore : Respóndens Jesus, dixit : Confíteor tibi, Pater, Dómine cæli et terræ, quia abscondisti hæc a sapiéntibus, et prudéntibus, et revelásti ea párvulis. Ita Pater : quóniam sic fuit plácitum ante te. Omnia mihi tráditá sunt a Patre meo. Et nemo novit Fílium, nisi Pater : neque Patrem quis novit, nisi Fílius, et cui volúerit Fílius reveláre. Veníte ad me omnes, qui laborátis, et oneráti estis, et ego reficiam vos. Tóllite jugum meum super vos, et discite a me, quia mitis sum, et húmilis corde : et inveniétis réquiem animábus vestris. Jugum enim meum suáve est, et onus meum leve.

Offertorium Ps. 149, 5-6 Exsultábunt sancti in glória, lætabúntur in cubílibus suis : exaltatiónes Dei in fáucibus eórum, allelúja.

Secreta

Múnera tibi, Dómine, nostræ devotiónis offérimus : quæ et pro tuórum tibi grata sint honóre justórum, et nobis salutária, te miseránte, reddántur. Per Dóminum nostrum.

Pro S. Joanne Maria

Secreta

Laudis tibi, Dómine, hóstias immolámus in tuórum commemoratióne Sanctórum : quibus nos et præsentibus éxui malis confidimus et futúris. (Per Dóminum).

Pro Vigilia

Secreta

Hóstias, Dómine, quas tibi offérimus, propítius súscipe : et, intercedente beáto Lauréntio Mártyre tuo, víncula peccatórum nostrórum absólve. (Per Dóminum nostrum).

Pro S. Romano
Secreta

Munéribus nostris, quæsumus Dómine, precibusque susceptis : et cælestibus nos munda mysteriis, et cleménter exáudi. Per Dóminum.

Communio Luc. 12, 4 Dico autem vobis amicis meis : Ne terreámini ab his qui vos persecúntur.

Postcommunio

Præsta nobis, quæsumus, Dómine, intercedéntibus sanctis Martyribus tuis Justo et Pastóre : ut quod ore contíngimus, pura mente capiámus. Per Dóminum.

Pro S. Joanne Maria

Postcommunio

Refécti cibo potúque cælesti, Deus noster, te súpplices exorámus : ut, in cujus hæc commemoratióne percépimus, ejus muniámur et precibus. (Per Dóminum).

Pro Vigilia

Postcommunio

Da, quæsumus, Dómine, Deus noster : ut, sicut beáti Lauréntii Mártiris tui commemoratióne, temporáli gratulámur officio ; ita perpétuo lætémur aspéctu. (Per Dóminum).

Pro S. Romano

Postcommunio

Quæsumus, omnípotens Deus : ut, qui cælestia aliménta percépimus, intercedénte beáto Románo Mártire tuo, per hæc contra ómnia advérsa muniámur. Per Dóminum.

In fine Evangelium Vigilæ Si quis vult, ut in Missali

DIE 13 AUGUSTI

S. CASSIANI EP. ET MART.

Introitus Dan. 3, 84 et 87



acerdótes Dei, benedicite Dóminum : sancti et húmiles corde, laudáte Deum. **Ibid.,**

57 Benedicite, ómnia ópera Dómini, Dómino : laudáte et superexaltáte eum in sæcula. . Glória Patri.

Oratio

Omnípotens sempitérne Deus, qui hodiérna die beátum Cassianum Pontificem tuum, novo et acerbíssimo tormentórum género cruciátum sublevásti ad cælum : concéde nobis fámulis tuis; ómnia mala pro Christo libénter toleráre, ut quem habúimus protectórem in terris, consórtem habére mereámur gloriósum in cælis. Per eúndem Dóminum nostrum.

Si hodie fuerit Sabbatum, Commemoratio Vigilæ anticipatæ Assumptionis, ut in Missali : et de ea legitur Evangelium in fine.

Postea Commemoratio S. Hippolyti.

Pro S. Hippolyto

Oratio

Præsta, quæsumus, omnípotens Deus : ut, intercedénte beáto Hippolyto Mártire tuo, et a cunctis adversitatibus liberémur in corpore, et a pravis cogitatióibus mundémur in mente. Per Dóminum nostrum.

Léctio Epistolæ beáti Pauli Apóstoli ad Corínthios. 2 Cor. 1, 3-7

Patres : Benedictus Deus, et Pater Dómini nostri Jesu Christi, Pater misericordiárum, et Deus totíus consolatiónis, qui consolátur nos in omni tribulatióne nostra : ut possimus et ipsi consolári eos, qui in omni pressúra sunt, per exhortatió-nem, qua exhortámur et ipsi a Deo. Quóniam sicut abúndant passiones Christi in nobis ; ita et per Christum abúndat consolátio nostra. Sive autem tribulámur pro vestra exhortatióne et salúte, sive consolámur pro vestra consolatióne, sive exhortámur

pro vestra exhortatióne et salute, quæ operátur tolerántiam earúmdem passiónum, quas et nos pátimur : ut spes nostra firma sit pro vobis : sciétes, quod sicut sócii passiónum estis, sic éritis et consolatiónis : in Christo Jesu Dómino nostro.

Graduale Ps. 8, 6-7 Glória et honóre coronásti eum. ✠. Et constituísti eum super ópera mánuum tuárum, Dómine.

Allelúja, allelúja. ✠. Hic est Sacerdos quem coronávit Dóminus. Allelúja.

✠ **Sequéntia sancti Evangélii secúndum Matthæum.**

Matth. 10, 23-28

In illo témpore : Dixit Jesus discipulis suis : Cum persecúentur vos in civitáte ista, fúgite in áliam. Amen dico vobis, non consummábitis civitátes Israël, donec véniat Filius hóminis. Non est discipulus super magistrum, nec servus super dóminum suum. Súfficit discipulo, ut sit sicut magíster ejus : et servo, sicut dóminus ejus. Si patrem familias Beelzebub vocavérunt ; quanto magis domésticos ejus ? Ne ergo timéritis eos. Nihil enim est opértum, quod non revelábitur ; et occúltum, quod non sciétur. Quod dico vobis in ténebris dicite in lúmine : et quod in aure audítis, prædicáte super tecta. Et nolite timére eos, qui occidunt corpus, ánimam autem non possunt occidere : sed pótius timéte eum, qui potest et ánimam et corpus pèrdere in gehénnam.

Offertorium Ps. 88, 21-22 Invéni David servum meum, óleo sancto meo unxi eum : manus enim mea auxiliábitur ei, et bráchium meum confortábit eum.

Secreta

Múnera tibi, Dómine, dicáta sanctífica : et, intercedénte

beáto Cassiáno, Mártyre tuo atque Pontífice, per éadem nos placátus inténde. Per Dóminum.

Pro S. Hippolyto

Secreta

Accépta sit in conspéctu tuo, Dómine, nostra devótió ; et ejus nobis fiat supplicatióne salutáris, pro cujus solemnitate defértur. Per Dóminum.

Communio Ps. 20, 4 Posuísti Dómine in cápite ejus coronam de lápide pretióso.

Postcommunio

Hæc nos commúnió, Dómine, purget a crimine : et, intercedénte beáto Cassiáno Mártyre tuo atque Pontífice, cæléstis remédii fáciat esse consórtes. Per Dóminum nostrum.

Pro S. Hippolyto

Postcommunio

Refécti participatióne múnere sacri, quæsumus, Dómine Deus noster : ut cujus exséquimur cultum, intercedénte beáto Hippolyto Mártyre tuo, sentiámus efféctum. Per Dóminum.

DIE 19 AUGUSTI

S. THARSICII, ACOLYTHI

MARTYRIS

Introitus

Ps. 72, 28

Mihi autem adhærére Deo bonum est : pónere in Dómino Deo spem meam. **Ps. Ibid., 1** Quam bonus Israël Deus, his, qui recto sunt corde. ✠. Glória Patri.

Oratio

Præsta, quæsumus, omnipotens Deus : ut sicut divína laudámus in sancti Tharsícii passióne magnália ; sic indulgéntiam tuam piis ejus précibus assequámur. Per Dóminum.

Et fit Commemoratio S. Joannis Eudes.

Oratio

eus, qui beátum Joánnem, Confessórem tuum, ad cultum sacrorum Córdium Jesu et Mariæ rite promovéndum mirabíliter inflammásti, et per eum novas in Ecclésia tua familias congregáre voluísti : præsta, quæsumus ; ut, cujus pia, mérita, venerámur, virtútum quoque instruímur exémpis. (Per eúmdem Dóminum).

Deinde Commemoratio Octavæ.

Oratio

Amulórum tuórum, quæsumus Dómine, delictis ignósce : ut, qui tibi placére de áctibus nostris non valémus, Genitrícis Fílii tui Dómini nostri intercessióne salvémur : Qui tecum.

Léctio Epístolæ beáti Pauli Apóstoli ad Romános.

Rom. 8, 35-39

ratres : Quis nos separábit a caritate Christi ? tribulátio ? an angústia ? an fames ? an núditas ? an perículum ? an persecútio ? an gládus ? Sicut scriptum est : quia propter te mortificámur tota die : æstimáti sumus sicut oves occisiónis. Sed in his ómnibus superámus propter eum, qui diléxit nos. Certus sum enim quia neque mors, neque vita, neque ángeli, neque principátus, neque virtútes, neque instántia, neque futúra, neque fortitúdo, neque altitúdo, neque profúndum, neque creatúra ália póterit nos separáre a caritate Dei, quæ est in Christo Jesu Dómino nostro.

Graduale Ps. 83, 2-3 Quam dilécta tabernácula tua, Dómine virtutum : concupíscit et déficit ánima mea in átria Dómini. . Cor meum et caro mea exsultavérunt in Deum vivum.

Allelúja, allelúja. **Ps. 29, 2** Exaltábo te, Dómine, quóniam suscepísti me : nec delectásti inimícos meos super me. Allelúja.

✠ **Sequéntia sancti Evangélii secúndum Joánnem.**

Joann. 6, 56-59

In illo témpore : Dixit Jesus turbis Judæórum : Caro mea vere est cibus, et sánguis meus vere est potus. Qui mandúcat meam carnem, et bibit meum sánguinem, in me manet, et ego in illo. Sicut misit me vivens Pater, et ego vivo propter Patrem : et qui mandúcat me, et ipse vivet propter me. Hic est panis, qui de cælo descéndit. Non sicut manducavérunt patres vestri manna, et mórtui sunt. Qui mandúcat hunc panem, vivet in ætérnum.

Credo, ratione Octavæ.

Offertorium Sap. 3, 1, 2 et 3 Justórum ánimæ in manu Dei sunt : visi sunt óculis insipiéntium mori : illi autem sunt in pace.

Secreta

nténde, Dómine, múnera, quæsumus, altáris tui pro sancti Tharsícii Mártiris commemoratióne propósita : ut, sicut per hæc beáta mystéria illi glóriam contulísti, nobis indulgéntiam largiáris. Per Dóminum.

Pro S. Joanne Eudes

Secreta

Laudis tibi, Dómine, hóstias imolámus, in tuórum commemoratióne Sanctórum : quibus et præsentibus éxui malis confidimus et futúris. (Per Dóminum).

Deinde Commemoratio Octavæ

Secreta

Subvéniat, Dómine, plebi tuæ Dei Genitrícis orátio : quam etsi pro conditione carnis migrásse cognósci-

mus, in cælesti glória apud te pro nobis intercédere sentiámus. Per eúndem Dóminum.

Præfatio de B. Maria Et te in Assumptióne.

Communio Joann. 6, 59 Qui manducat meam carnem, et bibit meum sanguinem, in me manet, et ego in eo.

Postcommunio

it nobis, quæsumus Dómine, cibus sacer potúsque salutáris : qui, intercedente sancto Tharsício Mártire tuo, et temporálem vitam múniat, et præstet ætérnam. Per Dóminum.

Pro S. Joanne Eudes

Postcommunio

Refecti cibo potúque cælesti, Deus noster, te súpplices exorámus : ut, in cuius hæc commemoratióne percépimus, ejus muniámur et précibus. (Per Dóminum).

Deinde Commemoratio Octavæ

Postcommunio

Mensæ cælestis participes effecti, implorámus cleméntiam tuam, Dómine Deus noster : ut, qui Assumptiónem Dei Genitrícis cólimus, a cunctis malis imminéntibus, ejus intercessióne liberémur. Per eúndem Dóminum.

DIE 27 AUGUSTI

SOLEMNITAS S. P. N. JOSEPHI CALASANCTII CONF.,

FUNDATORIS ORDINIS NOSTRI

Missa ut in Missali eadem die, Et dicitur Credo et per Octavam.

FESTUM SEPTEMBRIS

DIE 12 SEPTEMBRIS

SOLEMNITAS SSMI NOMINIS B. M. V. PATRON. PRINCIP. ORDIN.

SCHOLARUM PIARUM

Missa ut in Missali eadem die.

FESTA OCTOBRIS

DIE 9 OCTOBRIS

B. JOANNIS LEONARDI

CONFESSORIS

Missa ut in fine Missalis, pro aliquibus locis.

Et fit Commemoratio Ss. Dionysii etc. Mm. ut in Missali eadem die.

DIE 30 OCTOBRIS

S. GERARDI A PORTA

EP. ET CONF.

Missa Sacerdótes, de Comuni Conf. Pont. 2 loco, cum Orationibus ut infra.

Oratio

Tribue nobis, quæsumus, Dómine singulárem beáti Gerárdi Confessóris tui atque Pontíficis humilitátem et caritátem imitári : ut, qui illius præclára mérita celebrámus in terris, ejus quoque consórtio pérfrui mereámur in cælis. Per Dóminum nostrum.

Si hodie fuerit Sabbatum, Commemoratio Vigiliæ anticipatæ Omnium Sanctorum : et de ea legitur Evangelium in fine juxta Rubricas.

Secreta

Sancti Gerárdi Confessóris tui atque Pontíficis, quæsumus Dómine ánnua solémnitas pietáti tuæ nos reddat accéptos : ut per hæc piæ placatiónis officia, et illum beáta retribútio comitétur, et nobis grátia tuæ dona concíliet. Per Dóminum nostrum.

Postcommunio

Deus, fidélium remunerátor animárum, præsta : ut beáti Gerárdi Confessóris tui atque Pontíficis, cuius venerándam celebrámus festivitátem, précibus indulgéntiam consequámur. Per Dóminum nostrum.

FESTA NOVEMBRIS

DIE 5 NOVEMBRIS

SACRARUM RELIQUIARUM

QUÆ IN NOSTRIS ECCL. ASSERVANTUR

Missa ut in fine Missalis, eadem
die, pro aliquibus locis.

DIE 27 NOVEMBRIS

PATROCINIUM S. P. N.
JOSEPHI CALASANCTII

CONFESSORIS

Missa ut in Missali die 27 Au
gusti.

Et dicitur Credo.

